





第一三九二册

四庫全書

●上海古籍出版社

本冊目次

石倉歷代詩選(六)

明曹學佺編……………一

卷三十三

欽定四庫全書

集部
石倉歷代詩選卷三百六十七

詳校官編修臣謝振定
侍讀臣孫球覆勘

總校官進士臣朱 鈐
校對官編修臣郭 晉
謄錄監生臣李傳燮

欽定四庫全書

石倉歷代詩選卷三百六十七

明 曹學佺 編

明詩次集

許瑄

宿信陽慈氏寺有懷趙侍御

禪室絕清澗夜景何寥廓白日墮簷隙涼颼拂林梢有

客不能寐起坐心勞焦所懷同心友相去一何遙開門

欽定四庫全書

石倉歷代詩選
卷三百六十七

望天宇露冷河漢高恨無雙羽翰奮飛共遨遊秉燭遂

至旦詩成還獨謔

其二

山寺月皎皎流光入簾帷神清不成寐起視夜何其天
漢漸回轉參斗亦西移庭草滋繁露林竹生涼颼撫景
念良友渺在天一涯會面曾幾日成此遠別離冉冉易
寒暑悠悠隔山陂豈無他人好中情詎能知

舟中作

少小心好奇斯遊歲方壯雲帆拂遙天畫舫歷高浪青
山歷歷過可見不可傍晚泊洞庭湖還當極遐望

龍陽山行遇雨

楚山饒古木楚水饒奇石林霏暗不開石瀨瀉何急久
行路欲迷嵐雨互蒸濕陟降童僕勞竟日未遑息向晚
落葉多攪轡更駐立

瀟湘八景

雨來萬壑昏雨過千岫出晴旭楚人家蛾眉畫生綠望

欽定四庫全書

石金唐詩選
卷三百六十六

望如有情餘光遠相逐

右山市晴嵐

西風淨晚煙天水遠相接瓊樓玉宇深炯炯涵虛白夜

久風露寒一鼓湘靈瑟

右洞庭秋月

霜清秋水落風過人迹平飛飛隨陽鳥相呼下寒汀向

夕聚儔侶月映蘆花明

右平沙落雁

夕照下山門清音出煙霧暝壑一僧還側竹尋歸路月

上楚天寒霜落洞庭樹

右煙寺晚鐘

兩岬蒼蒼濕向夕波浪生孤燈借漁火江雨蓬背鳴南

來北往客同聽不同情

右瀟湘夜雨

落落漁樵家蒼蒼起煙霧岬滑移釣舟沙平失歸路似
有凌波人盈盈月中去

右江村暮雪

釣艇收晚罾歸鵲集疎柳天風吹彤霞明月映江口孤
村一笛橫萬慮復何有

右漁汀落照

翩翩投極浦漠漠背殘照水柵歌竹枝清風激幽調歸
舟漸覺稀錯莫尚疑眺

右遠浦歸帆

泊舟貽漢宿陽樓山下

欽定四庫全書

石金唐詩選
卷三百六十六

泊舟清江潯肩輿渡迴溪微還入叢篠蒙籠行欲迷轉
步忽開曠溪田間高卑傍水野航小連林茅屋低適遂
情景豁寧覺人俗非山堂稍曛黑冥冥子規啼

又

窈窕入清溪側還何紆曲魚梁截奔流雪瀨漱寒玉空
翠濕人衣霧雨滿新竹路窮上野航前登得平陸日暮
煙火迷似向桃源宿

湘江舟中

湛湛湘水綠夾岫紫簟多挽舟逆水上南風起微波嘉
此晴霄景道遙翫江沱沙渚曠緬邈雲岫紛嵯峨遠目
為舒暢客意將如何濯纓吾所愛聊為扣舷歌

襄陽道中

曉辭新野縣午入襄陽境迢遞岡坂長曲折溪流靜入
村竹青青便覺異風景惟時霜雪繁歲晏北風冷中私
且撥捐壯觀極馳騁日暮臨漢江窮源思方永

遊習家池

欽定四庫全書

石倉代詩選
卷三百六十七

谷口一選入蒼山四際開中有習池水澄碧無纖埃泉
源初噴薄交流遂潏洄飛鳥鏡中度行雲天外來微風
一蕩拂林影久徘徊寒光怡心性俯翫何悠哉愛此不
能去載歌寫中懷

遊君山寺

為愛湖中山艤舟山下路石磴純莓苔青林雜煙霧前
行如有窮巖嶺乍分布招提壓重湖千里周一顧孤峰
四無垠形氣自依附蘭若轉幽遠山僧引徐步白雲蒼

外生清風竹間度庭花雜無名歲晏色猶故澄心得妙
觀忘言竟良晤愛此林壑清遂薄塵俗務招隱有同調
吳侍畢婚娶

雨後臨雙池

時雨夜來歇雙沼欲平香草何瑣雜羊蔚繞岫生修
竹瀉風露圍荷貼青萍顧此好修客覽彼衆物榮徘徊
撫雕檻徙倚當素屏採掇終有贈緬焉起深情

新笋

欽定四庫全書

石倉代詩選
卷三百六十七

方池錦萍滿花草被四阿生意一何盛新笋池上多綠
苔已穿透粉籜方包羅銳若毛遂穎森如羽林戈朝翫
夕逾峻舊竹時復過相期保堅節歲寒心靡他

渡雙溪

雙溪始合流崖渚遂經復洄潭一鏡平秋影空寒綠野
渡得孤航山家帶喬木適意方自茲前呵戒僮僕撫景
重悠然誰能和斯曲

秋日雜詠

翻翻高荷葉秋雨生微涼豈不懷遠道撫時坐空堂何
以為我歡簡冊多遺芳古人不可作古道寧可忘茲理
將無厭欲語隨渺茫安得忘言子相與傾一觴

夜坐

銀燭一寸光照我千古心事諒誰語秉筆空沈吟幽
懷載草草妙思彌惜惜豈無楊子雲視昔猶視今

送人之蜀

岷江瀉東溟岷山倚西極江山古名秀楊君將此適秋

欽定四庫全書

石倉歷代詩選
卷一百六十七

六

風送征帆夜火明水驛相憶瑤華音看取東飛翼

冬夜懷魏希大

冬夜氣何厲冰雪輝前楹單居不能寐懷我舊友生行
雲去不息賓鴻各時征兩情曠難合欲語誰當聽惟有
寒月光見余心宇清展轉遂至旦遠思徒營營

遊禹門

春澤周四野閒情樂時和出郊縱逸興緬懷古山河禹門忽
在望峭壁雲嵯峨石磴連飛棧相架接澄波空山響絳竹虛

堂進舞歌父老誠苦心肯酒神所呵由來非一朝吾意其如何

擬古

悠悠復悠悠水中有行舟四序無淹替代謝不可留春
鳥寂無聲寒蟬號素秋落葉滿阡陌白雲散巖幽去去
勿復道潁陽有遺老

其二

庭前桂花發清香散涼颺米米黃金英傾筐方自持思
欲贈遠人風波阻長歧望望不可及馨潔空自奇

欽定四庫全書

石倉歷代詩選
卷一百六十七

七

其三

圓象無得運大化不可留征車既西邁行舟復東流輟
迹苦相背兩美焉得由青松生澗底白日麗高丘餘光
不迴照直隸空蕭颺去去莫復道零露滿春草

其四

在陰鶴相應遷喬鳥當歌琴書滿瑤席良朋亦已多各
愛芳菲時共惜光陰過齋心何所求所求保太和壯年
不努力奈此老大何

其五

白雲在高丘綠蘿在深谷中有冥栖士雲蘿蔽茅屋獨
抱尚友情緬遂碩人軸古琴時復彈古書還更讀道遠
無外事俯仰長自足沮溺耦而耕姜叟釣渭曲伊人豈
無心耻銜荆山玉將須鳳來儀朝陽滿格竹

其六

青山何岌岌白雲自超超雲山日在望開門兩相高既
喜山靜止還愛雲飄飄秀色可攬結吾具陟山椒

欽定四庫全書

石倉歷代詩選
卷三百六十七

其七

庭樹微飄落涼氣始披拂却憶少年時泛舟湖湘曲秋
風起波瀾寒霜下林麓日出江上楓霧隱楚岫竹蘭芷
亦蕭條芰荷不秋馥靈均舊遊處馳思方滿目忽忽三
十年涼意復相觸九歌有遺辭得意在雲谷

江行

石城上朝旭宿霧漸已收大江何茫茫柔櫓泛中流鍾
阜猶在望白雲散巖幽雨戴寧無情湖山憶同遊佳勝

邈難即迴想空悠悠

其二

我舟既云遠長風起層波天水共渺茫雲岫紛嵯峨石
城猶在望赤岬還經過遠堤秋樹小水國兼葭多老遂
金陵遊余此佳麗何北歸已陳迹江行遂成歌

清河晚晴

向夕起長風秋雲靜天宇清波流月光白露下寒渚榜
人喜晴霽理楫夜相語早發過鍾吾漫漫見徐土

欽定四庫全書

石倉歷代詩選
卷三百六十七

杜鵑行

昔讀古人書知有杜鵑名今泛沅江船始聞杜鵑聲杜
鵑有子不自哺野老相傳之語如少陵惟有古來稱望
帝變化無端竟茫昧吾意百鳥相推尊亦如蜂蟻君臣
義氣化感物不自由四月五月聲喧啾一聲未了聲轉
急千林萬壑波濤秋遠客扁舟睡難着兩耳還遭杜鵑
聒歸心一夜在虞廷鳴鳳時應集阿閣

壺頭歌

沅水南來幾千里亂石激湍蹴空起急梢官舫上巉巖
閒倚驛樓看山水陽江萬疊雲峰稠一峰平立名壺頭
云是伏波駐兵處至今石室留山陬憶昔炎網斷如縷
草竊紛然據寰宇寧知田牧隱奇才揮斤好庸譏真主
西征聚米在目中南伐誰比銅柱功中興諸將數籌略
直與賈鄧爭豪雄老身甘向邊陲歿誓掃羣孽靜坤軸
壺頭一死非無情天遣英靈鎮南服昔于青史歎高識
今向荒山訪遺跡怒濤猶帶薄伐聲愁雲似是忠情積

欽定四庫全書

石倉歷代詩選
卷一百六十七

十

馬侯馬侯真丈夫大器自與凡材殊廟食熟名幾千古
媿我章句為腐儒

昆陽行

策馬從北來南涉沙河渡登岍得平原極目風景暮暮
天落葉何縱橫翻翻亂觸馬足鳴蒼山無數背人遠瞻
前忽及昆陽城南澧水流城郭英雄事業猶如昨白
水真人在側微謹厚豈使常情度是時炎運寒如灰五
威使者車奔雷慘慘三精雲霧塞滿滿九縣颼風回真

人一怒奮神武手握赤符興義旅昆陽大戰開天功烏
合如林散何許吾想當日殺戮多洗兵雷雨何滂沱
川倒流虎豹伏亂麻屍積山嵯峨自爾威聲震天地兇
魁惡黨魂飄逝夏后周宣果再興成功磊落光前世悠
悠此事千餘年至今父老猶相傳我來正值太平日戰
地盡作桑麻田生平遊覽好奇特徘徊弔古中腸熱舉
鞭一笑寒天高萬里關河坐超越

黔陽江行歌

欽定四庫全書

石倉歷代詩選
卷一百六十八

十一

黔江轉急勢未已兩岍蒼崖削天起官船雙檣疾於飛
倏忽雲林過百里生平膽氣尤崛奇三年蠻徼甘奔馳
惡灘險浪不經意白日自保公無私空囊敝篋一何有
滿束古書置前後船窗豁達涵虛明書中得意寧咨口
忽憶江山千古長不知何日開鴻龐陰陽爭勝負神急
造化不傳真宰忙千奇百怪氣參錯輕飄重墜真清濁
三光宣精四海明五行順序百卉作有物不名復不凋
泯滅萬化常超越眼底江山未為壯大地比是猶毫毛

感此人生浪自苦萬事悠悠隨所與放歌一曲南風來
坐對青天雨無語

齊都歌

偶把漁竿來渭水諸侯八百從如蟻洗兵一雨天下清
興王事業應難比茅土之封東諸侯奄有青濟都營丘
千乘龍旂照滄海百層雉堞臨淄流淄流梯曙歌鐘起
人物喧闐溢都市黃金白壁酬君公文馬雕軒覲天子
前朝後市何輝光歌臺舞榭遙相望長劔危冠盛臯虎
欽定四庫全書

石倉歷代詩選
卷三百六十六

七

望海歌

我生足迹半天下竭來持節臨東夏萬里滄溟入壯觀
洞庭彭蠡足驚詫三韓之西日本東玄冥少昊迴祝融
歸墟尾閭杳難測清江碧漢來無窮碣石依稀望中小
天台不斷連山繞煙波明滅散羣鷗雲水空清浮衆島

扶桑漸覺明朝暎還從海底昇金盆太陰滅盡清輝發
羲和隱駕波無痕有時颺母逞神威馮夷擊鼓百怪舞
白浪峨峨摧雪山黑霧茫茫漲天宇三山六鼇安在哉
祖龍已去劉郎來樓船不復返秦使雲帆更欲尋蓬萊
雄豪千古俱淪沒惟有潮聲尚如昨從誰海上論盈虛
獨倚蒼山看寥廓

寄題廣漢張魏公讀書巖

廣漢之山甲西蜀聞有石巖在山麓想當英傑未遇時

欽定四庫全書

石倉歷代詩選
卷三百六十七

七

携書獨向巖間讀巖間日月閒且長遠從虞夏窺黃唐
幽探造化鬼神變明察典禮人道常古書偏讀飽經濟
一朝適與風雲際社稷傾將赤手扶砥柱不逐洪波逝
燕雲鉦鼓震乾坤冥冥九宇皆兵氛要將魑魅除君側
誓驅貔虎恢中原其如讒口增萋斐一斤南荒垂二紀
容光雖荷天開明孤忠竟與時已矣俯仰于今幾萬秋
名將江漢無停流思公招公公不起遙想寒巖添我愁

郊遊

欽定四庫全書

石倉歷代詩選
卷三百六十七

古

客居煩貼毒我腸偶騎款段登周行西行三里渡小水
北上百步臨高岡遠近人家翳喬木依稀郵舍圍垂楊
是時隴麥半乾槁南風起浪日色黃所遇林桑已空瓦
誰家婦女猶提筐維南有山接嵩少雲門開闔峰低昂
清回爽氣徹心目使覺塵慮都消忘回鞭窈窕歷溪谷
野花野草供幽香穀蝸蛭蟻各生遂潛鱗飛鳥咸徜徉
東折紫紆歷平坂縱觀大化窮毫芒乃悟羣生隱無極
始知一氣包鴻荒此意悠悠真罕識令人酷憶點也狂

洞庭遇雨

孤舟行何遲歲晚洞庭雨跳波亂明珠隨風颺細縷雲
霧失君山波浪連吳楚誰唱斑竹枝別思盈南浦

久雨遣懷

客居連市井積雨竟朝昏屋漏頻移榻泥深少出門窗
風侵坐冷簷溜入宵繁賴有詩驅悶無勞問酒樽

其二

欽定四庫全書

石倉歷代詩選
卷三百六十七

其二

曉邇湘江水微風漾碧波好山隨岬遠野燒入林多佳
哲題詩處今予鼓棹過年來遊覽數天意遣吟哦
已覺長沙北猶瞻嶽麓西天浮湘水濶樹入楚山低岬
並餘香草叢篁染信啼昔賢遊覽地我亦為留題

其三

長沙城下驛解纜發扁舟水柵子家市沙村十里洲喜
逢晴霽景況值太平秋憲節叨光寵懷賢獨未休

湘鄉道中

湘鄉南去路連日是山行地僻溪潭綠冬和草樹榮野

人懸稻把古成列千旌異俗今如此歸當話友生

沅州新正書景

頗訝沅州地新正景不同遠山青草瘴深院落梅風角
角尋巢鳥喧喧米藥蜂春衣初試袂和氣滿簾櫳

其二

楚地春來早羣花次第開輕黃舒柳線重碧染莓苔永
日香凝篆和風酒滿杯端居叨寵渥何以答涓埃

喬口邇流仕長沙

欽定四庫全書

石倉歷代詩選
卷三百六十七

十五

楚岫無邊翠湘流不盡清香風屈子賦苦竹鷓鴣聲風
景當年事雲霞萬古情沙頭舊鷗鳥誰肯與尋盟

武口守風

連日北風疾江濤拍岸鳴天垂平野月浪颭近船燈湖
與歸心濶秋因客思清不眠聽鼓角高枕念王程

其二

武口叢祠下維舟日欲晡北風增駭浪南客念歸途水
遠得三蜀煙濃暗五湖江村秋雨裏難覓酒家壚

舟中偶成

舟中如斗室坐似覺心清閉戶嫌風冷推篷愛日明偶
思前世事因見古人情自顧知何益詩書浪得名

漢江曉泛

城下扁舟發江清宿霧消竹村迎岍出粉堞背人遙神
女無消息明珠久寂寥鹿門看漸近滿耳颿清颿

舟中遣悶

五日行不盡洞庭青草寬窮陰連旦夕密霧隱湖山詩

欽定四庫全書

石倉歷代詩選
卷三百六十七

十五

思自難竭酒壺行復乾孤舟親愛遠何以暫為歡

武陵曉泛

今朝風日好來泛武陵漢碧水寒依岍蒼林遠護堤沙
光搖野馬人語散鳬鷺二月桃花發還應處處迷

送和司訓

秋色滿平陰秋聲幾處砧離筵對衰草別路繞疎林白
日青霄迴紅雲紫極深此行應得意早晚報佳音

黔江

好在黔中地相留過幾年
岼經冬嶺樹水宿夜灘船支
枕思前事清心憶往賢
一陽看漸近吾道故應旋

題風木卷

秋色滿天地寸心將若何
行雲返迹逝逝水絕回波
斷織封蛛網殘篇掩裴我
空餘東嶺樹向夕受風多

中秋夜諸生持酒至

五見中秋節湘南想北州
忽看今夜月忘却昔年愁
汾水通河漢龍門近斗牛
霜鐘傳水夕高詠未能休

欽定四庫全書

石倉歷代詩選
卷二百六十五

六

示弟塘

大屋屋霜久新年雨雪頻
田園知己薄生計可忘勤
喬木宜思祖雞豚莫惱鄰
東堂花幾樹應與歲俱春

嘉陵泛江

湛湛嘉陵水沈沈石底明
岼翻雲樹影谷響棹歌聲
微冷南風細輕陰暮雨晴
應難逢此景還慰遠遊情

雨後宿嘉陵

夜宿嘉陵岼扁舟雨不休
山雲迷澗壑林火射江流
久

錦城寓館

坐思王事難眠動旅愁
所期氣殺掃走馬上神州
寓館富花竹書齋夏日長
芭蕉紅錦秀梔子白花香
樹密寧知暑窗開但覺涼
遠懷雖暫遣世慮未能忘

其二

曲逕通幽處交陰翠竹高
書齋成雅趣花圃愜遊遨
石甃涵天影風林作海濤
寧知城市內清境勝江皋

竹

欽定四庫全書

石倉歷代詩選
卷二百六十五

五

誰種庭前竹蕭森數十竿
高簷晴落翠虛室晝生寒
韻喜風前聽陰宜月下看
莫言家在遠長得報平安

竹下

翠擁如雲竹門開一徑深
成林常少日接葉自多陰
山鳥時聞囀風蟬忽聽吟
把書閒讀處涼竊覺心清

遣懷

如何三月外猶未得家書
為少南來雁因稀北上魚
謾叨新使節祇想舊田廬
旦夕聞消息中懷暫一舒

五丁峽

巨峽二千里天開幾萬年泉飛林杪雨雲合管中天一
水橋頻度層崖石亂懸梁州神禹迹繆以五丁傳

入徐州境

春首及徐方行來道路長殘水餘積水霽雪帶連岡遠
岍通淮向懸流近呂梁征鞍今可解不日上舟航

古滕薛城

繞過古滕國還瞻舊薛城分封遺壞堞列爵但虛名冉
冉春煙淡悠悠野水清望中今古意信馬獨含情

欽定四庫全書

石倉歷代詩選
卷三百六十七

七

江道士碧岩軒

飛閣環流水層軒面面開虛澄涵倒影淨碧絕浮埃鏡
裏閒雲度潭心爽氣來道人能有此還似小蓬萊

樵雲野老

自得山中趣都忘世上名閒尋肥遯侶共作斫雲行決
決溪流響丁丁谷應聲偶然值漁者問答有深情

曉登沅州北上頂

嵐靄氤氳重溪行咫尺迷漸登層巘上始覺衆山低遠

近天無際參差樹不齊川雲平似海石磴峻如梯日出
寒煙外風生碧澗倪異禽和露宿快馬度風嘶遠目回
三蜀高懷偏五溪歸朝誇勝際沅水有新題

戲題紅白二梅花落

簷外雙梅樹庭前昨夜風新英兼舊蕊墜粉間飄紅已
見苔成錦方疑色是空粧娥初點額舞女欲迷蹤雨重
胭脂濕沉香瑞雪融不知何處笛併起一聲中

欽定四庫全書

石倉歷代詩選
卷三百六十七

七

簡孔別駕遊禹門用謝太守韻

雙旌曾向禹門遊別駕今來亦暫留岍斷雲霞閣翠壁
天連棧閣駕黃流千金尚想波心舳萬斛深期渡口舟
如此山川元不惡可無詩句記春秋

讀文山傳

朔氣蕭森歲向深揮戈技淚動哀吟艱危已竭回天力
慷慨猶存捧日心海水尋常秋月冷塞雲千里暮星沈
悠悠往事都如夢只有孤忠照古今

登南城

土阜層層數百盤偶來高頂望人寰滿川宿麥浮青浪
一帶晴嵐列翠鬟何處雲霞迷磧石數村桑柘遠綿山
唐風晉問憑誰說地濶天高雁影寒

曲沃道中

新秋雨霽過新田綠樹人家斷復連汾澮波光晴泛日
絳州山色曉參天申生大孝留天地里克遺名載簡編
何事齊姜墳上土忍將芳草度流年

欽定四庫全書

石公唐詩選
卷三 四十六

榮陽詠古

楚漢干戈向已休尚存遺迹在中州幾灣流水風煙暮
一片荒城草樹秋力戰可堪雄廣武分疆空見指鴻溝
當時四百興劉計只在張良一運籌

宿水村

日暮江頭送客還寂寥清夜不成歡連天海氣當窗白
一枕江風入夢寒難唱遠村皆落月潮生古渡已層瀾
披衣久坐待明發白石歌餘興未闌

春日遣興

靄靄春雲度女牆萋萋春草徧芳塘園林風景非吾土
庭館鶯花是異鄉野岵波紋浮鴨綠官橋柳色弄鵲黃
不知多少相思意祇逐遊絲百尺長

秋日寄王嘉靖

漁陽秋色動關河遶石天晴一雁過白社高人渾懶漫
青氈學士久蹉跎西風對酒砧聲切良夜調琴月影多
珍重遠書勞問訊相思千里奈情何

欽定四庫全書

石公唐詩選
卷三 四十七

九日和徐懷玉韻

對酒東籬自詠詩遠山晴望轉遙遙秋容淡薄黃花節
風景蕭條白雁時醉閒人寰聊縱目靜思塵事久支頤
年年此日無窮意笑把茱萸欲贈誰

早秋

露下梧桐一葉飛早秋涼氣襲人衣西風樹老蟬聲急
夜月涼深燕影稀鶯鏡每看新事業龍泉頻拭舊光輝黃
花晚景真堪賞九辨何須怨夕暉

七夕雨

天孫不乞人間巧故使秋雲蔽月輝銀漢晚煙迷鶴馭
玉霄涼雨濺蛟衣更無絲結看蛛綴祇想橋成有鵲飛
獨立秋風倍惆悵通津何處問支機

春日懷舊遊簡胄貢士

薊門春色阻關河汴野東風長綠莎正是懷人煙景暮
不禁呼酒雨聲多閒中謾寫凌雲賦醉裏誰聽白雪歌
惟有流鶯相厚意柳溪花徑數來過

欽定四庫全書

石倉歷代詩選
卷三百六十七

送馬太守之西安

玉階新拜寵恩濃皂蓋西行五馬逢秦樹到關開曉色
岳蓮當路出奇峰好詢民隱周三輔為播仁風答九重
青史古稱張趙蹟會看勳業繼前蹤

登中條山東頭

魏國中條此盡頭登臨暇日興悠悠兩崖勢轉黃流靜
萬壑聲寒碧樹秋官舍飛甍臨遠谷禪官細路遠層丘
風光滿目皆吾土逸氣飄然總勝遊

薊門煙樹

石門相對一川平嘉樹依依接鳳城密繞溪村雲未斂
半遮山寺雨初晴歸鴉向夕穿新綠嬌鳥啼春護落英
試向高原凝望處祇疑韋偃畫初成

金臺夕照

千年玄社已消沈尚有荒臺僅數尋壞埒只今生翠蘚
頽垣不復貯黃金山銜落日留殘照樹擁孤雲帶夕陰
駿馬無聲衰草合冷風涼月暮蟲吟

欽定四庫全書

石倉歷代詩選
卷三百六十七

登岳陽樓

玉斧飛霜過洞庭岳陽樓上寄高情天涯楚樹千行直
湖面君山一點晴今古留題才浩渺往來登覽歲崢嶸
中天使倚無塵到笑挹高風滿抱清

辰陽秋日

雄城百雉控蠻荒山翠高低護女牆萬里梯航通六詔
五溪煙水下三湘邊氓久已漸華俗遠客頻應望帝鄉
地氣于今同北土早秋時節雨生涼